



Inatsisartunut ilaasortaq, Sara Olsvig, Inuit Ataqtigiit
/MAANI

INDGÅET

28 MAR. 2014

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Puisinniarneq pillugu Folketingip Kalaallit Nunaannut Ataatsimiititaliaata
tusarniaaneranut tunngatillugu Naalakkersuisunut apeqqummut nr. 074-imut
akissut**

27-03-2014
Sags nr. 2014-097817
Dok. nr. 1531101

Puisinniarneq pillugu Folketingip Kalaallit Nunaannut Ataatsimiititaliaata
tusarniaaneranut tunngatillugu Inatsisartut suleriaasianni § 37, imm. 1 naapertorlugu
Naalakkersuisunut apeqquteqarput. Apeqqutit suliassa qarfinnit
akisassanngortinneqarput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

1. **Kalaallit Nunaanni puisinniarneq pillugu Folketingip Kalaallit
Nunaannut ataatsimiititaliaata tusarniaatitsinerani inassuteqaatit
saqqummiunneqartut, matumani immikkut eqqarsaatigalugu Kalaallit Nunaanni
puisinniarnerup piujuaannartitsineq tunngavigalugu ingerlanneqarnerata
aammalu puisit amiisa kalaallit tunisassiaasa tunngavissaqartuunerannik
ilisimasaqarnerup EU-mi nunarsuullu sinnerani siammarterneqarnissaanut
atatillugu annertuumik paasissutissiinissamik qaammarsaanissamillu
ingerlataqartussamik suleqatigiissitaliortoqarnissaanik inassuteqaat,
Naalakkersuisut qanoq malitseqartinniarpaat?**

1-imut: Kalaallit puisinniarnerat avatitsinni, tassunga ilanngullugu EU-mi
ilisimaneqarnerulernissaa pillugu ilisimatitsisartussat paasititsiniaasartussallu
suleqatigiissitat pilersinneqarnissaat pillugu eqqarsaat Naalakkersuisunit
isumaqatigineqarpoq.

2. **Taamatut suleqatigiissitanik Naalakkersuisut pilersitsissappata
taava suleqatigiissitat soqutigisalinneq assigiinngitsunit, soorlu danskit
naalakkersuisunit, Naalakkersuisunit, Great Greenlandimit, Kopenhagen Furimit,
KNAPK-mit allanillu ilaasortaaffigineqarnissaat Naalakkersuisut
qularnaarniarlugulu ataqtigiissaarinerup isumagineqarnissaa Naalakkersuisut
suliassamissut tiguniarpaat?**

2-mut: Naalakkersuisut isumaqarput, suleqatigiissitat Naalakkersuisunit, Kalaallit
Nunaanni piniartut peqatigiiffiinit, danskit naalakkersuisunit, Folketingip Kalaallit
Nunaannut Ataatsimiititaliaanit pineqartumut toqqaannartumik attuumassuteqartunit
allanit inuttaqartinneqassasut. Naalakkersuisut pineqartumut toqqaannartumik
attuumassuteqartunik suleqateqarlutik suliassamik ataqtigiissaarisuunissaat
maannakkorpiaq akornutissaqartinneqanngilaq.

3. **Kalaallit Nunaannut ataatsimiititaliap tusarniaatitsinerani WWF
amma Greenpeace Kalaallit Nunaanni puisinniarnermut erseqqissumik
tapersiippat. Kalaallit Nunaanni puisinniarnerup piujuaannartitsineq
tunngavigalugu ingerlanneqarnerata aammalu puisit amiisa kalaallit tunisassiaasa**

tunngavissaqartuunerannik ilisimasaqarnerup siaruarterneqarnissaanut taakkua soqutigisaqatigiiffiit nunarsuaq tamakkerlugu inuppPASSUARNIT ilisimaneqartut qanoq ilapittuutaasinnaanerat pillugu Naalakkersuisut oqaloqatiginialersaarpat?

3-mut: Tapersersuisoqarnera Naalakkersuisunit nuannaarutigaarput, maluginiarparpulli Kalaallit Nunaanni puisinniarnermi atugassarititaasunik paasinnineq kattuffiit taakkua qitiusumik immikkoortortaqaarfiinut paasitineqarnerput naapertorlugu anngussimanngitsoq. Taakkuupput suleqatigiissitatut pilersitassap pingaarutilimmik sunnarniagassai. Tamanna tunngavigalugu kattuffiit taakkua sinniisuutitaasa kingusinnerusukkut ilanngunneqarsinnaanerata pillugu apeqqut Naalakkersuisunit piffissaasorineqalerpat akissuteqarfigineqassaaq.

4. Suleqatigiissitanik pilersitsisoqassagalarpat aammalu sakkortusisamik paasissutissiinermik qaammarsaanermillu ingerlatsisoqalissagalarpat tamakkuva aningaasatigut tunngasortaasa Kalaallit Nunaannit, Danmarkimit aammalu EU-mit peqatigiilluni qanoq kivinneqarsinnaanera pillugu danskit naalakkersuisuinik EU-millu Naalakkersuisut oqaloqateqarnialersaarpat?

4-mut: Naalakkersuisunit kissaatigineqarpoq ilisimatitsiniarluni paasissutissiiniarlunilu suliassaq pillugu aningaasaliissutissat suleqatigiissitassap oqaluuserissagaa.

5. Puisit amiisa kalaallinit tunisassiarineqartartut atisanik ilusilersuisarfissuarnut aammalu atisanik nioqquteqartartunut nalinginnarmik, Europami atugassanik pisiniarfinnut, pilerisaarutigineqarnissaat aammalu Kalaallit Nunaanni puisinniarnernup piujuaannartitsineq tunngavigalugu ingerlanneqarnerata puisillu amiisa tunngavissaqartuunerat pillugu nunat tamat akornanni ilisimasaqarnerup qanoq qaffassarneqarsinnaanera pillugu iliussissatut pilersaarummik erseqqissumik Naalakkersuisut saqqummiussiniarpat?

5-imut. Puisit amiisa atisanik ilusilersuisarfinnut assigisinaannullu pilerisaarutigineqarnissaat pitsaassusiisalu erseqqissaassuteqarnissaat Great Greenland A/S'p suleqatigisartagaasalu suliassarigaat Naalakkersuisut isumaqarput.

Naalakkersuisut innersuussutigaat "Namminersorlutik Oqartussani aktiaateqarluni ingerlatseqatigiiffinni tamakkiisumik ilaannakoortumilluunniit pigineqartuni piginnittuunermt tunngasut taakkunanilu ineriartornerit pillugit nassuiaat" 2011-mi ukiakkut Inatsisartut ataatsimiinneranni oqallisigineqartoq, malittarisassanik makkuninnga erseqqissaasoq: "Naalakkersuisut ulluinnarni ingerlatsinermt akuliunnissartik kissaatiginnigilaat, selskabinili ineriartornermi pingaarnarpaat annerit eqqarsaatigissallugit".

Nassuiaatip aktieselskabit Namminersorlutik Oqartussanit pigineqartut tamarmik Naalakkersuisunit akisussaaffigineqartut saqqummersippai imatut: "Naalakkersuisut suliffeqarfinnut assigiinngitsunik attuumassuteqartuni akuersissutinik pisassanillu tunniussisarneq akisussaaffigaat, suliffeqarfinnut Namminersorlutik Oqartussanit tamakkiisumik ilaannakoortumilluunniit pigineqartunut siulersuisunut ilaasortassanik toqqaasarlutik, attaveqaatitigut kiffartuussutinut pingaarnernut akinik aalajangiisarlutik

kiisalu kiffartuussinermut isumaqatigiissutit aqputigalugit aningaasat tapiissutaasartut aqunneri aningaasanut inatsit aqputigalugu aamma akisussaaffigalugit.”

Taamaattoq Inuit Silap KNAPK-mik suleqateqarluni paasititsiniaanissaanut Naalackersuisut 2013-imut aamma 2014-imut aningaasanut inatsit aqputigalugu aningaasanik immikkoortitsippot periarfissallu tamaasa atorlugit EU-p iluani avataanilu puisinniarneq pillugu ilisimasat piviusunik aallaavillit siammarterniarsarivaat.

Inussiarnersumik inuulluaqqusillunga
Med venlig hilsen

Finn Karlsen